



Broj: 13-02.12-40/18-15  
Sarajevo, 06.12.2018. godine

Muzička akademija u Sarajevu

1. VLADA FEDERACIJE BIH  
N/r Premijera

11. 12. 2018

Broj: 01-2-1232/18

2. FEDERALNO MINISTARSTVO PROSTORNOG UREĐENJA  
N/r Ministra

3. FEDERALNO MINISTARSTVO KULTURE I SPORTA  
N/r Ministra

4. ZAVOD ZA ZAŠTITU SPOMENIKA U SASTAVU FEDERALNOG  
MINISTARSTVA KULTURE I SPORTA  
N/r Direktora

5. KANTONI: HERCEGOVAČKO-NERETVANSKI, UNSKO-SANSKI, TUZLANSKI I  
KANTON SARAJEVO  
– Premijer/Predsjednik Vlade  
– Kantonalno ministarstvo nadležno za prostorno uređenje  
– Kantonalno ministarstvo nadležno za kulturu

6. OPĆINE: KONJIC, STARI GRAD SARAJEVO I SANSKI MOST, GRADOVI  
TUZLA, MOSTAR I BIHAĆ  
– Načelnik općine/Gradonačelnik  
– Općinski/Gradski organ uprave nadležan za poslove urbanizma i katastra

**Predmet: Informacija o donesenim odlukama na 24. sjednici**

Obavještavamo vas da je Komisija za očuvanje nacionalnih spomenika, u skladu sa odredbama Aneksa 8. Općeg okvirnog sporazuma za mir u Bosni i Hercegovini, primjenjujući Kriterije za proglašenje dobara nacionalnim spomenikom («Službeni glasnik BiH», br. 33/02 i 15/03), na 24. sjednici održanoj 05. decembra 2018. godine u Sarajevu, donijela odluke o proglašenju nacionalnim spomenicima Bosne i Hercegovine za sljedeća dobra sa područja Federacije Bosne i Hercegovine:

1. Historijsko područje – Srednjovjekovna nekropola sa stećcima na lokalitetu Gradac u Donjem Selu, općina Konjic;
2. Graditeljska cjelina – Džindijska (Husein-Čauš) džamija, Grad Tuzla;
3. Pokretno dobro – Arhiv Instituta za muzikologiju Muzičke akademije Univerziteta u Sarajevu, općina Stari Grad Sarajevo.

Takođe vas obavještavamo da je Komisija za očuvanje nacionalnih spomenika na istoj sjednici donijela odluke o izmjenama i dopunama odluka o proglašenju

1. Područje i ostaci graditeljske cjeline Džamije Hadži Ali-bega Lafe sa haremom u Mostaru, Grad Mostar;
2. Mjesto i ostaci graditeljske cjeline Manastira Žitomislići, Grad Mostar;
3. Graditeljska cjelina – Memorijalni kompleks Šušnjar, općina Sanski Most;
4. Kulturni pejzaž - Spomen park žrtava fašističkog terora Garavice, Grad Bihać.

Pored toga, Komisija za očuvanje nacionalnih spomenika donijela je odluku o neispunjavanju kriterija za proglašenje Džamije na Gubavici, Grad Mostar, nacionalnim spomenikom BiH.

Prema odredbama Zakona o provođenju odluka Komisije za zaštitu nacionalnih spomenika uspostavljene prema Aneksu 8. Općeg okvirnog sporazuma za mir u BiH («Službene novine FBiH», br. 2/02, 27/02, 6/04 i 51/07), nacionalni spomenici uživaju najviši stepen zaštite u Federaciji BiH, a za implementaciju odluka Komisije odgovorni su federalni organi vlasti, a prije svega Vlada Federacije BiH, Federalno ministarstvo prostornog uređenja (nepokretna dobra) i Federalna uprava za inspekcijske poslove. Ukoliko se odlukom proglašava pokretno dobro, za njeno provođenje nadležno je Federalno ministarstvo kulture i sporta, u skladu sa zakonom kojim se reguliše nadležnost federalnih organa uprave.

Shodno Aneksu 8. Općeg okvirnog sporazuma za mir u BiH i odredbama navedenog zakona, nadležni organi Federacije Bosne i Hercegovine, kantona, gradske i općinske službe, te sva druga pravna i fizička lica dužni su da se suzdrže od preduzimanja bilo kakvih radnji koje mogu oštetiti nacionalni spomenik ili dovesti u pitanje njegovu zaštitu i rehabilitaciju.

**Odluke o proglašenju dobara nacionalnim spomenikom Bosne i Hercegovine objavljuju se u «Službenom glasniku BiH», nakon njihove dorade u skladu sa zaključcima Komisije i lektorisanja na bosanski, srpski i hrvatski jezik. Nakon objave odluke se dostavljaju zemljišno-knjižnom uredu nadležnog suda radi upisa zabilježbe o nacionalnom spomeniku u zemljišne knjige.**

S poštovanjem,



Co:

– podnosiocima peticije;